



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Thomæ A Kempis Can. Reg. S. Augustini. De Imitatione Christi Libri Quatuor

Thomas <von Kempen>

Augustæ Vindel., 1772

Caput XIV. De occultis Dei judiciis considerandis, ne extollamur in bonis.

[urn:nbn:de:hbz:466:1-45780](https://nbn-resolving.org/urn:nbn:de:hbz:466:1-45780)

jugitur dares, patienterque proprium contemptum ferres.

## CAPUT XIV.

*De occultis Dei judiciis considerandis, ne extollamur in bonis.*

1. **I**ntonas super me judicia tua Domine, & timore, ac tremore concutis omnia ossa mea, & exprovescit anima mea valde.

Sto attonitus, & considero; quia coeli non sunt mundi in conspectu tuo.

Si in Angelis reperisti pravitatem, nec tamen pepercisti, quid fiet de me?

Cediderunt stellæ de cælo, & ego pulvis quid præsumo?

Quorum opera videbantur laudabilia, ceciderunt ad infima: & qui comedebant panem Angelorum, videri sibi quis delectari porcorum.

2. Nulla est ergo sanctitas, si manus tuam Domine subtrahas.

Nulla prodest sapientia, si gubernare desistas.

Nul-



Nulla juvat fortitudo, si conser-  
vare desinas.

Nulla secura castitas; si eam non  
protegas.

Nulla propria prodest custodia, si  
non adsit sacra tua vigilantia.

Nam relictī mergimur, & peri-  
mus: visitati vero erigimur, & vi-  
vimus.

Instabiles quippe sumus, sed per  
te confirmamur: tepescimus, sed a  
te accendimur.

3. O quam humiliter, & abjecte  
mihi de meipso sentiendum est!  
quam nihili pendendum, si quid bo-  
ni videar habere!

O quam profunde me submittere  
debeo sub abyssalibus judiciis tuis  
Domine: ubi nihil aliud me esse in-  
venio, quam nihil, & nihil!

O pondus immensum! o pelagus  
intransmeabile: ubi de me nihil re-  
perio, quam in toto nihil!

Ubi est ergo latebra gloriæ? ubi  
confidentia de virtute concepta?



Absorpta est omnis gloriatio vana  
in profunditate iudiciorum tuorum  
super me.

4. Quid est omnis caro in conspe-  
ctu tuo?

*Nunquid gloriabitur lutum contra  
formantem se?*

Quomodo potest erigi vaniloquus  
cujus cor in veritate subiectum est  
Deo?

Non eum totus mundus erigat,  
quem veritas sibi subiecit; nec om-  
nium laudantium ore movebitur, qui  
totam spem suam in Deo firmavit.

Nam & ipsi, qui loquuntur; ecce  
omnes nihil; deficient enim cum  
sonitu verborum: *Veritas autem Do-  
mini manet in æternum.*

### CAPUT XV.

*Qualiter standum sit, ac dicendum, in  
omni re desiderabili.*

1. **F**ili, sic dicas in omni re: *Do-  
mine, si tibi placitum fuerit  
fiat hoc ita.*